

爲道者不欲使民趨於明將以愚之使民常安於無知無覺之中庶幾僞妄不作而渾渾噩噩我得端居而默拱矣

民之難治亂心以其智多動則易昏故以智治國國之賊覺亦有念

又曰上古之世無懷葛天民風何等淳厚何等渾樸御世者不煩而自就理三代而下世風澆薄人情汨僞蓋苦於難治久矣而要其難治之由實緣於多智智則講張爲幻奸宄叢生而文網雖密不足以羅之矣夫民既以智而難治則智其當絕也明矣尙可以智爲之倡乎苟以智治之則不惟不愛國且害國矣非國之賊而何

不以智治國國之福道之以德其民有餘知此兩者亦楷式道貴若愚能行爲世法能

道藏輯要 道德經解 堯 心集一

知楷式抱虛守中是謂玄德教父玄德深矣遠矣愈覓愈深愈求愈遠與物反矣

不與萬法爲侶乃至於大順逆行化

又曰誠不以智治國則渾淪無爲國之福也彼以智則賊國不以智則福國知斯二者尙不可以爲楷式也乎要之楷式非他無爲之德也玄也夫德謂之玄則至深矣至遠矣與物相反矣何言之世人尙智聖人尙玄反而用之者也尙智則徇欲忘理而多逆尙玄則默運潛移而自化順之至也故曰乃至於大順

後已章第六十六

江海所以能爲百谷王者心爲萬法之王以其善下之虛而能容寂而不見故能

為百谷上異派是以聖人欲上民使人知道必以言下之示之無欲先

民使契乎道必以身後之能忘其心

光垣帝君注曰江海巨津也而百谷朝之以其王也要其所
以為百谷之王者以其勢處於下眾流歸之書曰江漢朝宗
於海非善下而能王若是乎聖人有悟於江海知人之不可
據上也而必以言下於人其下愈卑而下者上之已高不可
仰知人之不可漫先也而以其身後之其後彌遠而後者先
之已軼不可追究之聖人非有意於下之後之也道本如是
則其居上與先者固即存於下之後之中也道也

是以聖人處上而民不重道大處前而民不害性空是以天下樂推

道藏輯要

道德經解

今 心集一

而不厭中心悅而誠服以其不爭不與物競故天下莫能與之爭自然無礙

又曰第上矣先矣而居上者勢患重民居先者勢患害民聖
人雖上而不自尊貴何重於民故民亦不苦其重雖居先而
不自謂無前故不害民而民亦不受其害於是乎翕然歸之
羣焉戴之共推以為有道而絕無厭棄之心悅而誠服莫敢
不享王矣而要其不上而下不先而後皆此不爭之心與天
下相忘故也語云仁者無敵聖人既不自處於爭則凡爭者
不惟不忍與之爭且不能與之爭矣此道之所以貴下與後
而聖人則之者也